

Na osnovu člana 12. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), člana 13. Zakona o pripadnosti javnih prihoda u Federaciji Bosne i Hercegovine („Službene novine F BiH“, broj: 22/06, 43/08, 22/09, 35/14 i 94/15 ), te 32. stav 1. tačka 4. člana Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na \_\_\_ redovnoj sjednici održanoj dana \_\_.\_\_.2022. godine, donijelo je

## **ODLUKU O KOMUNALNIM TAKSAMA I TARIFI KOMUNALNIH TAKSA**

### **Član 1.**

#### **(Predmet Odluke)**

Ovom Odlukom propisuju se komunalne takse koje se plaćaju na području općine Velika Kladuša, obaveznici plaćanja komunalnih taksa, tarifa komunalnih taksi, podnošenje prijava za plaćanje komunalne takse i druga pitanja u vezi sa razrezom i naplatom komunalnih taksa.

### **Član 2.**

#### **(Plaćanje komunalne takse)**

- (1) Takse se plaćaju za korištenje predmeta i usluga utvrđenih Tarifom komunalnih taksa (u daljem tekstu: Tarifa), koja je sastavni dio ove Odluke.
- (2) Takse se uplaćuju u korist budžeta Općine Velika Kladuša.

### **Član 3.**

#### **(Vrste komunalnih taksa)**

Komunalne takse (u daljem tekstu: takse) plaćaju se za:

- a) istaknutu firmu,
- b) isticanje reklama,
- c) privremeno zauzimanje javnih površina,
- d) prodaju roba ili pružanje usluga izvan poslovnih prostorija,
- e) priređivanje zabavnih igara i
- f) organizovanje i držanje žive muzike u ugostiteljskim objektima.

### **Član 4.**

#### **(Pojmovi i termini)**

Pojmovi i termini koji se upotrebljavaju u ovoj Odluci:

- a) Pod istaknutom firmom u smislu ove Odluke podrazumjeva se ime i naziv pod kojim je registrirano pravno ili fizičko lice.
- b) Pod isticanjem reklama, kojima se reklamiraju proizvodi, usluge i dobra podrazumijeva se:
  1. reklamni pano,
  2. samostojeći reklamni pano (city light, billboard, bigboard, megaboard, totem, wallscape, display i sl),
  3. reklama na stubovima javne rasvjete,
  4. reklamni ormarić ili vitrina,
  5. pokretni reklamni pano,
  6. transparent,
  7. reklama na tendama,
  8. jarbol sa reklamnom zastavom,

9. reklamni sadržaj, poruka ili informacija, koja je oslikana, ljepljena, pisana ili otisnuta na fasadi građevina ili izlozima poslovnih prostora.
- c) Pod zauzimanjem javnih površina podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.), komercijalnih prezentacija i prigodnih prodaja dobara,
  - d) Pod prodajom roba i pružanjem usluga izvan poslovnih prostorija podrazumijeva se pružanje ugostiteljskih usluga u ljetnim baštama, izlaganje roba u vitrinama, prodaja roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga,
  - e) Pod priređivanjem zabavnih igara u ugostiteljskim objektima i drugim prostorima podrazumijevaju se igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima koji se stavljaju u pogon pomoću kovanog novca, žetona ili uz naplatu, a u kojima igrač ne može ostvariti dobitak u novcu, stvarima ili pravima,
  - f) Pod organizovanjem i držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga.

#### **Član 5.**

##### **(Obveznik takse)**

(1) Obveznik takse je svako pravno i fizičko lice koje obavlja svoju registriranu poslovnu djelatnost i koje koristi predmet, prostor ili pruža uslugu za čije korištenje je propisano plaćanje takse.

(2) Ako za istu taksu postoje dva ili više obveznika njihova obaveza je solidarna.

#### **Član 6.**

##### **(Obaveza i način plaćanja takse)**

(1) Obaveza plaćanja takse nastaje u trenutku kad se počinje koristiti predmet, prostor ili pružati usluga za čije korištenje je propisano plaćanje takse.

(2) Taksa se plaća na način i u rokovima propisanim ovom Odlukom.

#### **Član 7.**

##### **(Prihodi od taksi)**

Prihodi od taksi uplaćuju se na račun javnih prihoda Budžeta Općine Velika Kladuša putem poslovne banke.

#### **Član 8.**

##### **(Podnošenje prijave)**

(1) Obveznik takse dužan je podnijeti prijavu za razrez takse, na obrascima čiji sadržaj propisuje Općinski načelnik Općine Velika Kladuša.

(2) Obveznik takse dužan je prije početka korištenja predmeta, prostora ili pružanja usluga za čije korištenje je ovom Odlukom propisano plaćanje takse na propisanom obrascu podnijeti prijavu:

- a) za taksu iz člana 3. tačka a) i e) - Poreznoj upravi, Ispostava Velika Kladuša,
- b) za taksu iz člana 3. tačka b), c), d) i f) - Službi nadležnoj za komunalne djelatnosti (u daljem tekstu: nadležna Služba).

#### **Član 9.**

##### **(Rokovi za podnošenje prijave)**

(1) Prijava za razrez takse podnosi se do 31. januara tekuće godine za koju se razrez vrši, za taksu, čiji je iznos utvrđen na godišnjoj razini, odnosno do 5. u mjesecu za takse čiji je iznos utvrđen na mjesečnoj razini.

(2) Rok za prijavu ostalih taksa je sedam dana prije početka korištenja predmeta, prostora ili usluga za čije je korištenje propisano plaćanje takse.

(3) Promjene nastale poslije 1. januara tekuće godine, odnosno u toku godine, takseni obveznik dužan je prijaviti ovisno od nadležnosti, Poreznoj upravi ili nadležnoj Službi, najkasnije u roku od 15 (petnaest) dana od dana nastanka promjene.

(4) Kada pravno i fizičko lice koje obavlja svoju registriranu poslovnu djelatnost u toku godine postane obveznik takse, plaća taksu u iznosu koji je srazmjernan vremenu od dana nastanka taksene obaveze do kraja tekuće godine.

#### **Član 10.**

##### **(Rješenje)**

(1) Taksene prijave moraju biti potpune i podnesene u roku.

(2) Obavezu plaćanja takse, na osnovu podnešenih prijava, rješenjem utvrđuju:

- a) Porezna uprava, Ispostava Velika Kladuša - za taksu iz člana 3. tačka a) i e),
- b) nadležna Služba - za taksu iz člana 3. tačka b), c), d) i f).

(3) Ako obveznik takse iz stava (2) tačka a) ovog člana, nije podnio prijavu u roku od 15 (petnaest) dana od roka utvrđenog članom 9. ove Odluke, Porezna uprava ima ovlaštenje da u ime taksenog obveznika podnese prijavu za plaćanje takse.

(4) Ako obveznik takse iz stava (2) tačka b) ovog člana nije podnio prijavu u roku od 30 (trideset) dana od roka utvrđenog članom 9. ove Odluke, nadležna Služba će po službenoj dužnosti rješenjem utvrditi obavezu plaćanja takse.

#### **Član 11.**

##### **(Evidencija)**

Porezna uprava i nadležna Služba kontinuirano prikupljaju i evidentiraju podatke i promjene od značaja za razrez i naplatu takse.

#### **Član 12.**

##### **(Način plaćanja)**

(1) Taksa se plaća u jednakim mjesečnim ratama unaprijed do 5. u mjesecu.

(2) Mjesečni iznos takse iz stava (1) ovog člana utvrđuje se dijeljenjem ukupno utvrđenog iznosa takse i perioda za koji je utvrđena taksena obaveza.

(3) Takse koje su utvrđene za period kraći od jednog mjeseca, plaćaju se u roku od sedam dana od dana nastanka taksene obaveze.

#### **Član 13.**

##### **(Zahtjev za povrat takse)**

(1) Lice koje je platilo taksu koju, po odredbama ove Odluke, nije bilo dužno da plati, kao i lice koje je preplatilo taksu ima pravo na povrat sredstava na osnovu zahtjeva koji podnosi:

- a) Poreznoj upravi, Ispostava Velika Kladuša - za taksu iz člana 3. tačka a) i e) ove Odluke,
- b) nadležnoj Službi - za taksu iz člana 3. tačka b), c), d) i f) ove Odluke.

(2) Porezna uprava i nadležna Služba će po osnovu zahtjeva iz stava (1) ovog člana donijeti rješenje, u roku od 30 dana od dana primitka zahtjeva za povrat sredstava.

**Član 14.**

**(Primjena Zakona)**

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom, Porezna uprava će primjenjivati odredbe Zakona o poreznoj upravi, a nadležna Služba primjenjivat će odredbe Zakona o upravnom postupku.

**Član 15.**

**(Prinudna naplata takse)**

Ako obveznik u propisanom roku ne uplati taksu, nadležna Služba će sudskim putem pokrenuti postupak prinudne naplate.

**Član 16.**

**(Oslobađanja)**

Od plaćanja komunalne takse oslobođeni su:

- a) Organi i tijela državne, federalne, kantonalne i općinske/gradske vlasti,
- b) Javne ustanove iz oblasti prosvjete, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovani,
- c) Registrovana poljoprivredna gazdinstva,
- d) Obrtnici iz Uredbe o zaštiti starih tradicionalnih zanata i
- e) Organizacije civilnog društva – OCD (udruženja građana, nevladine organizacije).

**Član 17.**

**(Olakšice)**

Fizička lica koja se registruju za obavljanje samostalne djelatnosti kao i fizička i pravna lica koja se registruju za obavljanje proizvodne djelatnosti, oslobađaju se obaveze plaćanja komunalne takse za istaknutu firmu i to:

- a) za prve 2 godine 100%,
- b) za treću godinu 50% od ukupnog iznosa taksene obaveze.

**Član 18.**

**(Kriteriji za utvrđivanje visine taksa)**

- (1) Opći kriterij za utvrđivanje visine takse su zone u kojima se koriste predmeti, prostori ili pružaju usluge.
- (2) Prema položaju i pogodnosti lokacije, područje općine Velika Kladuša se dijeli u 6 (šest) zona utvrđenih Odlukom o građevinskom zemljištu („Službeni glasnik Općine Velika Kladuša“, broj: 3/17 i 11/19).

**Član 19.**

**(Tarife)**

Visina taksa utvrđuje se Tarifom komunalnih taksa (u daljem tekstu: Tarifa), koja predstavlja Aneks I ove Odluke i njen je sastavni dio.

**Član 20.**

**(Upravni nadzor)**

Upravni nadzor nad provođenjem ove Odluke vrši Služba nadležna za komunalne djelatnosti.

## **Član 21.**

### **(Inspeksijski nadzor)**

(1) Inspeksijski nadzor nad primjenom ove Odluke vrši općinska komunalna i urbanističko-građevinska inspekcija, svaka u okviru svojih ovlaštenja.

(2) Oglasi i reklamni panoi za koje nije plaćena taksa biće uklonjeni putem nadležne inspekcije, uz naplatu troškova izvršenja, bez obzira na akta o građenju koja posjeduju, a što se odnosi i na oglase i reklamne panoje za koje nisu izmirene obaveze iz prethodnog perioda.

## **Član 22.**

### **(Prekršaji)**

(1) Novčanom kaznom u iznosu od 1.000,00 KM - 2.000,00 KM kazniće se za prekršaj pravno lice:

- a) ako postupa suprotno odredbama člana 8. ove Odluke,
- b) ako postupa suprotno odredbama člana 9. ove Odluke.

(2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM - 1.000,00 KM.

(3) Za prekršaj iz stava (1) ovog člana kaznit će se i fizičko lice, koje obavlja registriranu poslovnu djelatnost novčanom kaznom u iznosu od 300,00 KM - 800,00 KM.

(4) Novčanom kaznom od 2.000,00 KM do 10.000,00 KM kaznit će se za prekršaj pravno lice ako:

- a) ne postupi po rješenju inspektora u postupku poduzimanja preventivnih mjera;
- b) ne sudjeluje u vršenju inspeksijskog nadzora;
- c) onemogućí inspektor u vršenju inspeksijskog nadzora ili sprječava i znatno otežava vršenje inspeksijskog nadzora.

(5) Za prekršaj iz stava (4) ovog člana kaznit će se i odgovorno lice u pravnom licu novčanom kaznom u iznosu od 500,00 KM - 1.000,00 KM.

## **Član 23.**

### **(Postupci koji nisu okončani)**

Postupci razreza komunalne takse koji nisu okončani do dana stupanja na snagu ove Odluke okončat će se prema odredbama Odluke o komunalnim taksama i tarifi komunalnih taksa („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17).

## **Član 24.**

### **(Prestanak važenja Odluke)**

Početak primjene ove Odluke prestaje da važi Odluka o komunalnim taksama i tarifi komunalnih taksa („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17).

## **Član 25.**

### **(Stupanje na snagu Odluke)**

Ova Odluka stupa na snagu osmog dana od dana objavljivanja u „Službenom glasniku Općine Velika Kladuša“ a primjenjivat će se od 1.1.2023. godine.

**ANEKS I –TARIFA KOMUNALNIH TAKSA****DIO A-Tarifni broj 1.****(istaknuta firma)**

<b>I zona KM/godišnje</b>	<b>II zona KM/godišnje</b>	<b>III zona KM/godišnje</b>	<b>IV zona KM/godišnje</b>	<b>V zona KM/godišnje</b>	<b>VI zona KM/godišnje</b>
400,00	350,00	300,00	250,00	200,00	100,00

Obrtnicima kojima je to osnovna ili dopunska djelatnost, a za obavljanje iste nije im potreban poslovni prostor, taksa na istaknutu firmu utvrđuje se paušalno, u iznosu od 150,00 KM/godišnje.

Za svaku istaknutu oznaku, obilježje ili natpis na taksi vozilima, kojim se označava obavljanje djelatnosti taksi prijevoza plaća se godišnja taksa u iznosu od 100,00 KM.

**DIO B-Tarifni broj 2.****(isticanje reklama)**

<b>Vrsta reklama</b>	<b>I zona</b>	<b>II zona</b>	<b>III zona</b>	<b>IV zona</b>	<b>V zona</b>	<b>VI zona</b>
Reklamni natpisi, samostojeći reklamni panoi, reklame na stubovima javne rasvjete i pokretni reklamni panoi (KM/m <sup>2</sup> /godišnje)	150,00	120,00	100,00	90,00	70,00	50,00
Reklamni pano sa nosačima do 20 m <sup>2</sup> površine na fasadi građevine-wallscape (KM/komad/godišnje)	500,00	450,00	400,00	350,00	300,00	250,00
Reklamni pano sa nosačima preko 20 m <sup>2</sup> površine na fasadi građevine-wallscape (KM/komad/godišnje)	600,00	550,00	500,00	450,00	400,00	350,00
Tenda, jarbol, reklamni ormarić ili vitrina (KM /komad/godišnje)	100,00	80,00	60,00	50,00	40,00	30,00
Reklame na fasadi građevine (KM /m <sup>2</sup> /godišnje)	15,00	13,00	10,00	8,00	6,00	5,00
Transparenti (KM/komad/dnevno)	20,00	18,00	15,00	12,00	10,00	5,00
Reklame na izlozima poslovnih prostora, (KM /m <sup>2</sup> /godišnje)	20,00	15,00	10,00	8,00	5,00	3,00

Taksa za obostrane reklame utvrđuje se za svaku stranu reklame.

Odluka o komunalnim taksama i tarifi komunalnih taksa **PRIJEDLOG**

Komunalna taksa se za oglase i panoje locirane uz magistralnu cestu uvećava se za 30%, a uz regionalnu cestu za 20% iznosa.

Subjekti koji se profesionalno bave pružanjem usluge reklamiranja po istaknutom panou plaćaju fiksni iznos komunalne takse od 1.500,00 KM, godišnje, bez obzira na prostorni obuhvat u kojem su panoji locirani.

Određba iz prethodnih stavova ne odnose se na sportska društva na području Općine Velika Kladuša. Sportska društva dužna su podnijeti nadležnoj Općinskoj službi zahtjev za postavljanje oglasa i reklamnih panoa a troškovi plaćanja takse će se urediti posebnim ugovorom uz mogućnost oslobađanja plaćanja iste, a sredstva za tu namjenu će se predvidjeti budžetom Općine Velika Kladuša.

**DIO C-Tarifni broj 3.**

**(privremeno zauzimanje javnih površina)**

<b>Svrha privremenog zauzimanja javnih površina</b>	<b>Iznos takse (KM/m<sup>2</sup>/dnevno)</b>
Održavanje javnih manifestacija uz naplatu ulaznica (koncerti, video projekcije i sl.)	2,00
Održavanje komercijalnih prezentacija i prigodnih prodaja proizvoda	5,00

**DIO D-Tarifni broj 4.**

**(prodaja roba ili pružanje usluga izvan poslovnih prostorija)**

<b>Vrsta usluga</b>	<b>I zona</b>	<b>II zona</b>	<b>III zona</b>	<b>IV zona</b>	<b>V zona</b>	<b>VI zona</b>
Pružanje ugostiteljskih usluga van ugostiteljskih objekata, na javnoj površini, u vrijeme sezone od 01.03. do 30.11. (KM/m <sup>2</sup> /mesečno)	6,00	5,50	5,00	4,00	3,00	2,00
Pružanje ugostiteljskih usluga van ugostiteljskih objekata, na vlastitoj površini, u vrijeme sezone od 01.03. do 30.11. (KM/m <sup>2</sup> /mesečno)	2,50	2,00	1,70	1,50	1,20	1,00
Pružanje ugostiteljskih usluga van ugostiteljskih objekata, na javnoj površini, van sezone (paušalno/KM/mesečno)	120,00	100,00	80,00	60,00	50,00	40,00
Pružanje ugostiteljskih usluga van ugostiteljskih objekata, na vlastitoj površini, van sezone	50,00	45,00	40,00	35,00	30,00	20,00

Odluka o komunalnim taksama i tarifi komunalnih taksa **PRIJEDLOG**

(paušalno/KM/mjesečno)						
Držanje vitrine radi izlaganja i prodaje roba izvan poslovnih prostora (KM/mjesečno)	100,00	90,00	80,00	70,00	60,00	50,00
Postavljanje i korištenje bankomata (KM/godišnje po bankomatu)	1000,00	800,00	600,00	400,00	300,00	200,00

**DIO E-Tarifni broj 5.  
(priređivanje zabavnih igara)**

Vrsta zabavnih igara	I zona	II zona	III zona	IV zona	V zona	VI zona
Igre na računarima, igraćim konzolama, simulatorima, automatima za video igre, fliperima, bilijarima, pikadima, stolovima za stolni nogomet idrugim sličnim automatima (KM/komad/mjesečno)	70,00	60,00	55,00	50,00	45,00	40,00

**DIO F-Tarifni broj 6.  
(organizovanje i držanje žive muzike u ugostiteljskim objektima)**

Oganizovanje i držanje žive muzike u ugostiteljskim objektima otvorenog ili zatvorenog tipa u svim zonama	100,00 KM/dnevno
-----------------------------------------------------------------------------------------------------------	------------------

Obrađivač:  
Služba za komunalne djelatnosti, vodne resurse,  
zaštitu okoliša i inspeksijske poslove

Predlagač:  
Općinski načelnik



## **O B R A Z L O Ź E N J E**

### **I PRAVNI OSNOV ZA DONOŠENJE**

Pravni osnov za donošenje prijedloga Odluke o komunalnim taksama i tarifi komunalnih taksa sadržan je u odredbama:

- člana VI.4.b) Ustava Federacije Bosne i Hercegovine kojim je propisano da općinsko vijeće usvaja općinski budžet i donosi propise o oporezivanju i na druge načine osigurava potrebno finansiranje koje nisu osigurali kantonalna i federalna vlast;
- člana 12. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona”, broj: 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave;
- člana 13. Zakona o pripadnosti javnih prihoda u Federaciji Bosne i Hercegovine („Službene novine Federacije BiH“, br.: 22/06, 43/08, 22/09, 35/14 i 94/15) kojim je propisano da jedinicama lokalne samouprave pripadaju javni prihodi, naknade i takse u skladu sa propisima ovih jedinica i da tu visinu utvrđuje općinsko vijeće;
- člana 32. stav 1. tačka 4. Statuta Općine Velika Kladuša („Službeni glasnik Općine Velika Kladuša“, broj: 12/11) da Općinsko vijeće donosi propise o porezima, taksama, naknadama i doprinosima Općine u skladu sa zakonom.

Općinsko vijeće Općine Velika Kladuša na VIII redovnoj sjednici održanoj dana 13.1.2022. godine usvojilo Nacrt Odluke o komunalnim taksama i tarifi komunalnih taksa, te tom prilikom usvojilo zaključak kojim se zadužuje nadležna Služba Općinskog organa uprave, da zbog epidemioloških mjera, organizira javnu raspravu o Nacrtu Odluke o komunalnim taksama i tarifi komunalnih taksa pismenim putem.

U skladu po pomenutom zaključkom Služba za komunalne djelatnosti, vodne resurse, zaštitu okoliša i inspeksijske poslove je provela javnu raspravu na način da su pozvani svi privredni i ostali zainteresirani subjekti da dostave svoje primjedbe, prijedloge, mišljenja i sugestije na Nacrt Odluke o komunalnim taksama i tarifi komunalnih taksa.

Na X. sjednici Općinskog vijeća Općine Velika Kladuša održanoj dana 20.4.2022. godine Općinski načelnik Općine Velika Kladuša je, upoznao kako pismenim putema zamjenicu Predsjedavajućeg Općinskog vijeća tako i usmeno, putem ovlaštenog izvjestioca, da je Ustavni sud Federacije Bosne i Hercegovine odlučujući o zahtjevu Premijera Unsko-sanskog kantona za ocjenu ustavnosti odredaba Tarifnog broja 4. Odluke o komunalnim taksama i tarifi komunalnih taksa Općine Velika Kladuša, kao i o zahtjevu Premijera Federacije BiH za ocjenu ustavnosti Tarifnih br. 4, 6. i 7. iste Odluke koju je donijelo Općinsko vijeće Općine Velika Kladuša („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17), donio dana 18.3.2022. godine Presudu broj: U-32/21, objavljenu dana 8.4.2022. godine u Službenim novinama Federacije BiH broj 27/22, kojom se utvrđuje da navedeni tarifni brojevi nisu u skladu sa Ustavom Federacije BiH.

S obzirom da je Općinsko vijeće u obavezi da provede pomenutu Presudu, predloženo je da se na samoj sjednici iz Prijedloga Odluke o komunalnim taksama i tarifi komunalnih taksa Općine Velika Kladuša brišu sljedeći tarifni brojevi: Tarifni broj 7 (korištenje uređaja i opreme za pružanje usluga mobilne telefonije), Tarifni broj 8 (korištenje elektroenergetskih objekata kojima se vrši prenos električne energije - trafostanica), Tarifni broj 9 (korištenje podzemnih i nadzemnih instalacija) i Tarifni broj 10 (korištenje uređaja i opreme za pružanje usluga kablovske televizije i bežičnog interneta). Razlog za to je sadržan u Presudi broj: U-32/21 od 18.3.2022. godine u kojoj je sud razmotrio osporene tarifne brojeve važeće Odluke o komunalnim taksama i tarifi komunalnih taksa koji se odnose na plaćanje komunalne takse za korištenje uređaja i opreme koji služe

za snabdijevanje električnom energijom, pružanje telekomunikacijskih usluga, PTT usluga, fiksne i mobilne telefonije, pristup internetu, kablovsku televiziju i zauzeo stav da se radi o sredstvima za rad privrednih subjekata koji obavljaju djelatnost od javnog interesa i da isti ne mogu biti dodatno oporezovani kantonalnim zakonima, odnosno ne mogu se od strane jedinice lokalne samouprave propisivati porezi i druge naknade ukoliko za to ne postoji ovlaštenje u zakonu Bosne i Hercegovine ili Federacije BiH, te da svakom slučaju to ne može biti porez, taksa ili naknada za korištenje sredstava za rad i to posebno onih sredstava za rad koji građanima osiguravaju elementarne uslove za život.

Kad je u pitanju Tarifni broj 4 važeće Odluke o komunalnim taksama (istaknuta firma) koji je također proglašen neustavnim, Općinski načelnik je izvjestio vijećnike na 10. sjednici da je taj tarifni broj već u Nacrtu odluke o komunalnim taksama i tarifi komunalnih taksa, koje je usvojilo Općinsko vijeće na svojoj 8. redovnoj sjednici, usklađen sa Presudom Ustavnog suda Federacije BiH broj: U-15/20 od 26.5.2021. godine na način da se kao mjerodavan kriterij sa obračun komunalne takse nije uzeta djelatnost kojom se bavi obveznik iste, čim je praktički ispoštovana i Presuda od 18.3.2022. godine tako da ne postoji potreba za daljnjim usklađivanjem.

Međutim, na pomenutoj sjednici od 20.4.2022. godine Općinsko vijeće Općine Velika Kladuša je donijelo Zaključak broj: 01-04-113/22, kojim nije usvojilo Prijedlog odluke o komunalnim taksama i tarifi komunalnih taksa.

Pomenuta Presuda Ustavnog suda Federacije BiH od 18.3.2022. godine je objavljena u Službenom glasniku Općine Velika Kladuša broj: 4/22.

S obzirom na obavezu usklađivanja važeće Odluke o komunalnim taksama i tarifi komunalnih taksa Općine Velika Kladuša sa Presudom Ustavnog suda Federacije BiH broj: U-32/21 od 18.3.2022. godine, Općinski načelnik Općine Velike Kladuše predlaže Općinskom vijeću Općine Velika Kladuša na razmatranje i usvajanje Prijedloga odluke o komunalnim taksama i Tarifi komunalnih taksa, kao u predloženom tekstu.

